



Jordan Nigorotti báhčá spáppa mollii.



Spáppa- soahti

Álit dássi mielddisbukta garra doarruma spáppa oamasteamis. Snáhpes čiekčit čievččastuvvojdje ja fales čiekčit gahčče dego čuoikkat.

Ii goabbáge joavku nagodan vuoit spáppasoadi. Boadus Sámi- ja Kurdistan riikkajoavkku čiekčamis šattai 2-2.

Sámi riikkajoavkku hárjeheaddji Morten Pedersen lei duhtavaš bohtosiin manjel čiekčama, ja rámidii Kurdistan riikkajoavkku.

– Kurdistan čiekčit leat falit ja snáhppásat. Hui teknihkalaččat, lohka Pedersen gii ii lean liikká duhtavaš čiekčama duopmáriin.

– Guovtte háve 16 mehtera siskobeale doliiga ja gaikkeheigga guokte Kurdistančiekči mu eatnamii, lohka Ronny Olsen seammás go Pedersen šluvvá oavvvi duhtameahtumit.

Vuosttaš vuorru

Sápmi álggii čiekčama bures ja oamasti spealu vuosttaš 15 minuhta. Dadištaga Kurdistan stivregeidii spealu, ja loahpageahčen vuorru bážii Kurdistan Ciawar Khandan moala, ja 1-0 lei boadus manjel vuosttaš vuorru.

– Beare heajos vuosttaš vuorru, mii fertet buoridit iežamet spealu moadde ceahki, lohka Sámi riikkajoavkku kapteaidna Erik Bertelsen bottus.

Rievdati čiekčanminsttara bottus

Hárjeheaddji Morten Pedersen rievdati čiekčanminsttara. 4-5-1 minsttaris 4-4-2 minsttarii. Pedersen válddii gaskašilljučiekči eret ja bijai suodjalusčiekči Ronny Olsena njunnožii, dasalassin lonuhii guovdageainnu vieljaguokta Mikael ja Matti Eira sisa.

– Šaddá miellagiddevaš. Dat lea buorit dat olbmat, teknihkalaččat, logai Sámi liigečiekči Mikael Eira bottus.

– Mun áiggun báhčit moala, logai Mikaela unna vieljaš Matti Eira.

Nubbi vuorru

Pedersena rievdadusat veahkeheidje Sámi vuoittu beallái. Matti Eira nivkalasttii spáppa mollii go nubbi vuorru lei bistán 20 minuhta (1-1), juste nugo son lei niegadan bottus. Kapteaidna Erik Bertelsen čievččastii jodanit friddjačievččasteami rabas mollii (35min. 2-1). Kurdistan moallasuodjaleaddji lei moallastoalppus doallame ja muvrra sirdimen go Bertelsen bážii. Moallasuodjaleaddji viegai duopmára lusa ja garadii odđa friddjačievččasteami váldit, muhto duopmár dohkkehii Sámi moala.

Loahppavuoru gahčai Sápmi manábeallái go fertii suodjalit moalas, muhto sii eai nagodan dan dahkat. Kurdistanálaš Halkur Mola Muhammed bážii spáppa 16 mehtera gurut čiegas mollii (40

min 2-2), ja dássalaga loahpahuvvui spáppasoahti Jiellevári spábbačiekčanšilljus.

Fair Play

– Garra čiekčan muhto goitge olmmošvierru čiekčiid gaskkas. Mii leat duhtavaččat bohtosiin. Duopmáris lei riehta dohkkehii Sámi moala gos Bertelsen bážii gávvilis friddjačievččasteamis mollii, logai Kurdistan joavkku jodiheaddji Baban Aziz.

Johan Ante Utsi
johanante@avvir.no



Garra spáppasoahti čiehkkačievččasteamis



– Lei somá báhčit moala, lohka Sámi čiekči Matti Eira (gurutbealde).

Govva: Johan Ante Utsi



Stohke

Padanie Davvi-Italia joavku stoagai Lulli Frankriika Provence joavkku vuostá.

– Min riikajoavku lea profesunealla ja das leat oahppan čiekčit. Sámi joavku čievččai njozet, ja Kurdistančiekčit čikče jodanit spealu ja ledje fales čiekčit. Mun árvidan ahte mii deaivat Provence-joavkku finálačiekčamiin sotonabeaivve, einnosta Padanie riikajoavkku jodiheaddji Leonetto

Lazzerini Denchi.

Padaniečiekči Alessandro Dal Canto lea čiekčan Venezia serie-A ráidočiekčan joavkkus. Odne čiekčá serie-B Treviso joavkkus. Seamma joavkkus leat vel guokte eará čiekči Padanie riikajoavkkus. Liverpool FC áiggui oastit Dal Canto jagi 1999, muhto Venezia ii vuovdán su.

Boadus šattai 6-1.



Govva: Johan Ante Utsi

Giehta doddjui

Mánnodaga go Sápmi čievččai Kurdistan vuostá doji Niillas Ivvar Juliussen Eira olgeš gieđa. Sus doddjui unna giehtadávttáš vuolábeal gardnjila. Doavttir lea diedihhan Eirai ahte lea čábbát doddjon, muhto goitge šaddá njeallje vahku gipsain vázzit. Dál lea Viva World Cup nohkan Eira bealis.

– Dat lei váivi juo vuosttaš čiekčamis doadjit gieđa, dadjá son. Dat lei Kurdistan čiekči gii čievččasti su čievččadettiin. Su giehta lei goruda vuostá go Kurdistan čiekči deaivvai su.



Fakta

- Sápmi
1. Kjetil Thomasen
 2. Mikkel Ole Eira
 3. Erik Bertelsen (Kapteaidsa)
 5. Ole Christian Stamnes
 6. Tom Karlsen
 11. Ronny Olsen
 15. Kim Fredrik Johansen
 16. Mikael Stangnes
 17. Niillas Ivvar Juliussen Eira
 19. Morten Lund
 22. Steffen Dreyer

Lonuhuvvon sisa
Sisa
Olggos
Matti Eira
nes (bottus)
Mikael Eira
Steffen Dreyer

Mikael Stang-

Ronny Olsen sirdui suodjalusas njunnožii
Ođđa speallanminstar. (4-4-2)



Sámi spábbačiekčan lihtu várrepreseanta Haakan Kuorak láide hearggi rahpandoaluin.
Johan Ante Utsi govven

Sápmi idja-beaivvadágas

– Mus lei sávdat ovdal dán beaivvi, ahte idjaveaigebeaivváš oidnošii odne

Nu logai Sámi spábbačiekčan lihtu várrepreseanta Haakan Kuorak gii lei movttet go beaivváš liggii sin muođuid Viva World Cup 2008 čiekčamiid rahpamis.

Rahpan

Ovddeš SSL presideanta ja gudneguossi Leif Isak Nilut muittaša go sii árvale generalčoahkkimis diibmá, ahte rahpanseremoniija galgá álgit diibmu 22.00 eahketveaigin.

– Delegáhtat goasi gahčče stuolu lahtái, lohka buoremielalaš Nilut. Ja nu šattai dán jagáš Viva World Cup rahpan, idja-beaivvadágas gos čeahpes musihkkarat čuojahe ja rahpansártnit dollojuvvojedje.

– Mii sávvat allá valáštallan- ja lágidan dási, sávai SSL presideanta Mikkel Isak Eira go rabai Viva World Cup.

Generalčoahkkinn

Gudneguossi Leif Isak Nilut muitta generalčoahkkima Genevas, Sveitsas. 35 delegáhta ledje

čoahkkanan digaštallat gos Viva World Cup galgá lágiduvvot jagi 2008:s. Nilut muitá hui bures go čoahkkimis bođi jearaldat ahte galgá go Sápmi lágide čiekčamiid.

– Delegáhtat gehčče máilmmispáppa ja vuosttaš maid jerre lei "Isn't it snow there?" (Iigo dieppe leat muohta), go Sápmi ii leat eará 30 cm eret Nordpolena mailmmispáppa ektui, muitala Nilut mojunjálmmiid.

Galmmas

Manjel čáppa sániid ja manjel go beaivváš luoitadii, de galbmui Jiellevári stadion. Idjaveaigebeaivváš jávkka ja olbmot, geat čohkkájedje jaska, galbmogohte seammás go čiekčit liegganišgohte šilljus.

Nuppi vuorus vulggii stuora oassi sámi gehččiin ruoktot, muhto Kurdistan 320 doarjja-olbmot (fansat) njuikkodedje ja huike čadat dan botta go čiekčan bisttii.

Johan Ante Utsi
Johanante@avvir.no